

Mohd Amirul Kasyful Nur bin Zulkifli

From: Unit Komunikasi Korporat
Sent: 10 April 2017 20:27
To: UUM - All Staff; UUM - All Students
Subject: Kerjasama UECSB-Regent College-Kolej Astin Tambah Peluang Pendidikan Pelajar



Unit Komunikasi Korporat
CORPORATE COMMUNICATION UNIT
Universiti Utara Malaysia



10 APRIL 2017 / 12 REJAB 1438H

=====

"UUM : UNIVERSITI PENGURUSAN TERKEMUKA"
(THE EMINENT MANAGEMENT UNIVERSITY)

Oleh: Nordiana Shafiee

Gambar oleh: Muhammad Shamsul Shafie

KERJASAMA UECSB-REGENT COLLEGE-KOLEJ ASTIN TAMBAH PELUANG PENDIDIKAN PELAJAR



UUM ONLINE: Kesepakatan untuk memberi peluang belajar kepada pelajar yang tidak mendapat tempat di Universiti Awam (UA), Uniutama Education and Consultancy Sdn Bhd (UECSB) telah memeterai dua Memorandum Perjanjian (MoA) dengan Regent College dan Kolej ASTIN, petang tadi.

MoA pertama ditandatangani oleh Ketua Pegawai Eksekutif UECSB, Prof Madya Dr Fairol Halim bersama Ketua Pegawai Eksekutif Regent College, Dato' Dr Nelson Renganathan, diikuti MoA kedua bersama Ketua Pegawai Eksekutif Kolej ASTIN, Abdul Rahman Kisbi di EDC Hotels & Resorts.

Prof Madya Dr Fairol berkata, MoA itu adalah signifikan dan bertujuan menyediakan platform persediaan kepada pelajar yang tidak mendapat tempat untuk menyambung pengajian di UA berikutan tempat yang terhad.

Menurutnya, kerjasama itu juga adalah bagi menambah peluang pendidikan pelajar dalam negara ke peringkat lebih tinggi, sekali gus memenuhi pasaran tenaga mahir dalam bidang profesional.

"Program kerjasama dalam Diploma Eksekutif dan Ijazah Sarjana Muda ini dilihat mampu menjana pelbagai peluang yang memberi impak positif terhadap kejayaan dan kemajuan organisasi terlibat.

"Selain memberi pendidikan berkualiti tinggi, pelajar juga dapat pengetahuan luas dan mengembangkan kemahiran diri," katanya.

Tambah beliau lagi, program kerjasama itu dianggap satu tindak balas kepada teras keenam dalam Pelan Strategik Pengajian Tinggi Negara (PSPTN) iaitu pembudayaan pembelajaran sepanjang hayat dan menjadikan pendidikan akses kepada orang ramai.

Ujarnya, diharap kerjasama dengan dua kolej swasta itu dapat meningkatkan peratusan jumlah pelajar berkemahiran tinggi dan profesional dalam pelbagai bidang.

Sementara itu, Dato' Nelson Renganathan berkata, kerjasama itu adalah satu permulaan baharu bukan hanya untuk Regent College, malah komuniti setempat di sekitar Lembah Klang dan kawasan sekitarnya.

Katanya, beliau gembira mendapat peluang bekerjasama dengan UUM khususnya yang dikenali sebagai universiti pengurusan terkemuka di negara ini serta pencapaiannya dalam meraih AACSB.

"Regent College telah memilih rakan kongsi yang terbaik untuk kerjasama ini dalam usaha membangunkan satu program khas dalam bidang pendidikan.

"Saya berharap kerjasama ini akan berterusan untuk pembangunan program seterusnya," ujar beliau.

Bagi Abdul Rahman pula, UUM merupakan universiti ketiga selepas USM dan UNITEN bekerjasama dengan Kolej ASTIN.

Menurutnya, kerjasama dengan UUM menerusi program Ijazah Sarjana Muda diharap dapat meningkatkan kualiti pembelajaran dan pengajaran dalam melahirkan graduan cemerlang pelbagai bidang.

Majlis tersebut turut dihadiri Ketua Pegawai Eksekutif UMHSB, Suardi Mohamed Zakaria dan pegawai-pegawai kanan Regent College serta Kolej ASTIN.

DARIPADA:
UNIT KOMUNIKASI KORPORAT
UNIVERSITI UTARA MALAYSIA
☎ 04-928 3048/3049/3052/3061
☎ 04-928 3053
✉ ukkuum@uum.edu.my
f Universiti Utara Malaysia (Official FB)



Universiti Utara Malaysia Official Website <http://www.uum.edu.my>

Disclaimer: This e-mail (including any attachments) may contain confidential information. If you are not the intended recipient, you are hereby notified that any review, distribution, printing, copying or use of this e-mail is strictly prohibited. If you have received this e-mail in error, please notify the sender or Universiti Utara Malaysia (UUM) immediately and delete the original message. Opinions, conclusions and other information in this e-mail that do not relate to the official business of UUM and/or its group of companies shall be understood as neither given nor endorsed by UUM and UUM accepts no responsibility for the same. All liability arising from or in connection with computer viruses and/or corrupted e-mails is excluded to the fullest extent permitted by law.